

UNIVERZITET U TUZLI
Broj: 03-6550-1.2/09
Tuzla, 04.09.2009. godine

Na osnovu člana 59. stav 1. tačka a) Zakona o visokom obrazovanju ("Službene novine Tuzlanskog kantona" broj 8/08), a u vezi sa članom 85. istog Zakona, člana 2. Standarda visokog obrazovanja i normativa ("Službene novine Tuzlanskog kantona" broj: 8/06 i 9/08) i člana 248. Pravila Univerziteta u Tuzli (Prečišćeni tekst), Senat Univerziteta u Tuzli na sjednici održanoj 04.09.2009. godine donio je

ODLUKU

o utvrđivanju opterećenja u nastavi u akademskoj 2009/10. godini, za nastavnike u radnom odnosu na Univerzitetu u Tuzli za dodatno angažovanje u nastavi

I

Utvrđuje se opterećenje u nastavi u akademskoj 2009/10. godini za nastavnike u radnom odnosu na Univerzitetu, za dodatno angažovanje u nastavi, kako slijedi:

1. za nastavnike sa punim radnim vremenom, te druge zaposlenike koji imaju izborno zvanje ...	do 3 sata sedmično (uključujući rektora, prorektore, dekane i prodekane); osim za nastavnike koji imaju odobren angažman u nastavi na drugim Univerzitetima, odnosno na godišnjem nivou do 6 sati
1. nastavnike sa dijelom udruženog radnog vremena	do 3 sata sedmično, odnosno na godišnjem nivou do 6 sati

II

Ova Odluka stupa na snagu danom donošenja, a primjenjivati će se u akademskoj 2009/10. godini.

DOSTAVITI:

1x Fakulteti/Akademija Univerziteta
- dekan
1x Ured za nastavu i studentska pitanja
1x Ekonomsko-finansijska služba
1x Služba za pravne, kadrovske i opšte poslove
1x Senat Univerziteta

**PREDSJEDNIK
SENATA UNIVERZITETA**

Dr.sc. Džemo Tufekčić, red.prof.

UNIVERZITET U TUZLI
Broj: 03-6550-1.3/09
Tuzla, 04.09.2009. godine

Na osnovu člana 59. stav 1. tačka a) Zakona o visokom obrazovanju ("Službene novine Tuzlanskog kantona" broj 8/08), a u vezi sa članom 74. istog Zakona, člana 2. Standarda visokog obrazovanja i normativa ("Službene novine Tuzlanskog kantona" broj: 8/06 i 9/08) i člana 248. Pravila Univerziteta u Tuzli (Prečišćeni tekst), Senat Univerziteta u Tuzli, na sjednici održanoj 04.09.2009. godine donio je

ODLUKU
o utvrđivanju opterećenja u nastavi u akademskoj 2009/10. godini
lica koja nisu u radnom odnosu na Univerzitetu u Tuzli

I

Utvrđuje se optimalno opterećenje u nastavi u akademskoj 2009/10. godini za lica koja nisu u radnom odnosu na Univerzitetu, a angažovana su u izvođenju nastave, do norme 1 - osnovno opterećenje, kako slijedi:

1. Izabrani nastavnici do 5 odnosno 6 sati sedmično.
2. Izabrani viši asistenti i asistenti koji imaju radnopravni status kod drugog poslodavca..... do 8 odnosno 10 sati sedmično.
3. Izabrani viši asistenti i asistenti koji nemaju radnopravni status kod drugog poslodavca..... do 10 odnosno 12 sati sedmično.
4. Istaknuti stručnjaci iz prakse maksimalno do 15 sati u semestru.
5. Viši laboranti i laboranti - stručnjaci iz prakse za izvođenje dijela praktične nastave u drugim institucijama do 15 sati u semestru.

II

Ova Odluka stupa na snagu danom donošenja, a primjenjivati će se u akademskoj 2009/10. godini.

DOSTAVITI:

1x Fakulteti/Akademija Univerziteta
- dekan
1x Ured za nastavu i studentska pitanja
1x Ekonomsko-finansijska služba
1x Služba za pravne, kadrovske i
opšte poslove
1x Senat Univerziteta
1x a/a

PREDSJEDNIK
SENATA UNIVERZITETA

Dr.sc. Džemo Tufekčić, red.prof.

UNIVERZITET U TUZLI
Broj: 03-6550-2/09
Tuzla, 04.09.2009. godine

Na osnovu člana 59. stav 1. tačka a) Zakona o visokom obrazovanju ("Službene novine TK broj 8/08) člana 248. tačka 1. Pravila Univerziteta u Tuzli, Senat Univerziteta na sjednici održanoj 04.09.2009. godine donio je slijedeću

O D L U K U

I

Ukoliko nastavnik, u okviru redovnog rada a iznad osnovnog opterećenja (norma 1) u nastavi izvodi vježbe, **tri sata vježbi se priznaju kao jedan sat predavanja.**

II

Odredba iz prethodne tačke primjenjivat će se i u slučaju angažovanja nastavnika spoljnih saradnika u izvođenju vježbi.

III

Odredba tačke 1. ove Odluke ugradit će se u Pravilnik o plaćama, naknadama i drugim primanjima zaposlenika na Univerzittu u Tuzli.

DOSTAVITI:

1x Fakulteti/Akademija Univerziteta
- dekan
1x Ured za nastavu i studentska pitanja
1x Ekonomsko-finansijska služba
1x Služba za pravne, kadrovske i
opšte poslove
1x Senat Univerziteta
1x a/a

**PREDSJEDNIK
SENATA UNIVERZITETA**

Dr.sc. Džemo Tufekčić, red.prof.

UNIVERZITET U TUZLI
Broj: 03-6550-3/09
Tuzla, 04.09.2009. godine

Na osnovu člana 59. stav 1. tačka a) Zakona o visokom obrazovanju ("Službene novine TK broj 8/08), člana 248. tačka 1. Pravila Univerziteta u Tuzli, Senat Univerziteta na sjednici održanoj 04.09.2009. godine donio je slijedeće

ZAKLJUČKE

- 1) Zadužuju se dekani Fakulteta/Akademija Univerziteta u Tuzli, da prijedlog Plana pokrivenosti nastave za akademsku 2009/10. godinu usaglase sa opterećenjem u nastavi utvrđenim Odlukama Senata:
 - Odluka o utvrđivanju opterećenja u nastavi u akademskoj 2009/10. godini za nastavnike u radnom odnosu na Univerzitetu u Tuzli, za dodatno angažovanje u nastavi, broj: 03-6550-1.2/09 od 04.09.2009. godine;
 - Odluka o utvrđivanju opterećenja u nastavi u akademskoj 2009/10. godini lica koja nisu u radnom odnosu na Univerzitetu u Tuzli, broj: 03-6550-1.3/09 od 04.09.2009. godine;
 - Odluka broj: 03-6550-2/09 od 04.09.2009. godine.
- 2) Zadužuju se dekani da, zaposlenicima iz reda naučno-nastavnog osoblja osiguraju normu u visini procenta udruženog radnog vremena na Univerzitetu u Tuzli.
- 3) Zadužuju se dekani da za nepokriveni dio nastave predlože spoljne nastavnike i saradnike, koji se mogu angažovati u nastavi samo za izvođenje nastavnog procesa izvan optimalnog opterećenja nastavnika Univerziteta u Tuzli.
- 4) Za prekovremeni rad i dodatno angažovanje u nastavi, potrebno je, u pravilu obezbijediti da svim nastavnicima i saradnicima, opterećenje u nastavi u okviru iste uže naučne oblasti bude ravnomjerno raspoređeno.
- 5) Zadužuju se dekani da uz prijedlog ugovora o angažovanju u izvođenju nastave spoljnih nastavnika i saradnika prilože kopiju odluke o izboru u naučno-nastavno zvanje, a za istaknute stručnjake iz prakse kopiju ugovora o radu sa poslodavcem kod kojeg su zaposleni, kopiju diplome o stečenom stručnom nazivu i uvjerenje o radnom iskustvu, odnosno umjetničke i druge odgovarajuće reference prema nastavnom planu i programu Akademije dramskih umjetnosti.
- 6) Angažovanje nastavnika i saradnika koji nisu u radnom odnosu na Univerzitetu u Tuzli vršit će se samo pod uslovom da se nastava/vježbe ne mogu realizirati sa zaposlenim nastavnicima i saradnicima sa adekvatnim izborom, odnosno da isti ne pristaju na izvođenje nastave.

DOSTAVITI:

1x Fakulteti/Akademija Univerziteta
- dekan
1x Ured za nastavu i studentska pitanja
1x Ekonomsko-finansijska služba
1x Služba za pravne, kadrovske i opšte poslove
1x Senat Univerziteta

**PREDSJEDNIK
SENATA UNIVERZITETA**

Dr.sc. Džemo Tufekčić, red.prof.

UNIVERZITET U TUZLI
Broj: 03-6550-4/09
Tuzla, 04.09.2009. godine

Na osnovu člana 59. stav 1. tačka b) Zakona o visokom obrazovanju ("Službene novine TK" broj: 8/08), člana 248. Pravila Univerziteta u Tuzli (Prečišćeni tekst), nakon obavljene rasprave u vezi sa prijedlogom izmjena resornog Ministarstva i Vlade Tuzlanskog kantona, radi usaglašavanja teksta Statuta Univerziteta u Tuzli, Senata Univerziteta u Tuzli na sjednici održanoj 04.09.2009. godine donio je

O D L U K U

I

Utvrđuje se konačan prijedlog Statuta Univerziteta u Tuzli, usaglašen sa prijedlogom izmjena Ministarstva obrazovanja, nauke, kulture i sporta TK broj: 10/1-38-9540-2/09 od 28.08.2009. godine i Mišljenju Ureda za zakonodavstvo Vlade TK broj: 02/4-38-7377-2/09 od 23.07.2009. godine.

II

Konačan prijedlog Statuta iz tačke I ove Odluke dostavlja se Vladi Tuzlanskog kantona, radi davanja saglasnosti.

DOSTAVITI:
1x Vlada Tuzlanskog kantona
1x Ministarstvo obrazovanja, nauke,
kulture i sporta TK
1x Senat Univerziteta

**PREDSJEDNIK
SENATA UNIVERZITETA**

Dr.sc. Džemo Tufekčić, red.prof.

UNIVERZITET U TUZLI
Broj: 03-6550-5/09
Tuzla, 04.09.2009. godine

Na osnovu člana 59. stav 1. tačka a) Zakona o visokom obrazovanju ("Službene novine TK broj 8/08), člana 248. tačka 1. Pravila Univerziteta u Tuzli, a u vezi sa Odlukom Vlade Tuzlanskog kantona, o davanju saglasnosti broj: 02/1-38-15016/09 od 03.08.2009. godine, Senat Univerziteta na sjednici održanoj 04.09.2009. godine donio je slijedeće

ZAKLJUČKE

1. Produžava se rok za podnošenje prijave na Konkurs za upis studenata u I godinu prvog ciklusa studija na Univerzitet u Tuzli u akademskoj 2009/2010. godini, **u drugom upisnom roku do ponedjeljka, 07.09.2009. godine.**
2. Zadužuju se naučno/Umjetničko-nastavna vijeća fakulteta/Akademije Univerziteta u Tuzli, da u skladu sa Standardima visokog obrazovanja i normativima ("Službene novine TK" broj: 08/06 i 09/08), zauzmu stav po tački II iz Odluke Vlade Tuzlanskog kantona, broj: 02/1-38-15016/09 od 03.08.2009. godine, kojom se preporučuje da se sagledaju mogućnosti upisa i preostalog broja kandidata koji su aplicirali i položili prijemne ispite na pojedinim fakultetima/Akademiji Univerziteta u Tuzli, kako bi Senat Univerziteta na sjednici koja će se održati 09.09.2009. godine mogao donijeti odluku.
3. U slučaju da Univerzitet u Tuzli prihvati navedenu preporuku Vlade Tuzlanskog kantona, zatražit će dodatna sredstva za upis većeg broja studenata, a takođe se očekuje da Vlada Tuzlanskog kantona osigura sredstva za boračku populaciju za koju je odobren upis po drugačijim, znatno olakšanim kriterijima. Univerzitet u Tuzli očekuje intervenciju Vlade Tuzlanskog kantona, koja podrazumijeva osposobljavanja i opremanja novih prostorija za potrebe Univerziteta, te omogućavanje prijema novih zaposlenika na Univerzitet u Tuzli.

DOSTAVITI:
1x Fakulteti/Akademija Univerziteta
- dekan i studentske službe
1x Ured za nastavu i studentska pitanja
1x Senat Univerziteta

**PREDSJEDNIK
SENATA UNIVERZITETA**

Dr.sc. Džemo Tufekčić, red.prof.

Tuzla, 04.09.2009. godine

SAOPŠTENJE ZA JAVNOST

Senat Univerziteta u Tuzli je danas održao sjednicu na kojoj je razmotrena preporuka Vlade TK o mogućnosti upisa preostalog broja kandidata koji su aplicirali i položili prijemni ispit na fakultetima Univerziteta u Tuzli za upis u I godinu prvog ciklusa studija u akademskoj 2009./2010. godini. Univerzitet u Tuzli želi javnost i zainteresovane obavijestiti o slijedećim zaključcima sa Senata:

- Rok za podnošenje prijave za II upisni rok se produžava do ponedjeljka, 07.09.2009. godine na koji mogu aplicirati i oni koji nisu ostvarili pravo upisa u I upisnom roku.
- Naučno-nastavna vijeća svih fakulteta/Akademije će najkasnije do utorka, 08.09.2009. godine zauzeti stav o preporuci Vlade TK o mogućnostima dodatnog prijema kandidata koji su položili prijemni ispit u prvom upisnom roku.
- Ukoliko ista lica polože prijemni ispit u drugom upisnom roku, a naknadno se odobri upis na fakultete na kojima su prijemne položili u prvom upisnom roku, kandidati će zadržati pravo da odaberu fakultet na kojem žele nastaviti studij.
- U slučaju da Univerzitet u Tuzli prihvati navedenu preporuku Vlade TK, zatražiće dodatna sredstva za upis većeg broja studenata, a takođe se očekuje da Vlada TK osigura sredstva za boračku populaciju za koju je odobren upis po drugačijim, znatno olakšanim kriterijima.

Univerzitet u Tuzli želi da ima što veći broj studenata, da obrazuje mladi kadar i time unaprjeđuje akademizam, a samim tim i cijelo društvo. Istovremeno, Agencija za razvoj visokog obrazovanja, te Evropska unija propisuju jasne kriterije o tome koliko je prostora, učionica, laboratorija i nastavnika neophodno imati po jednom studentu, što Univerzitet dovodi u nepovoljan položaj ukoliko ima više studenata nego što su njegovi objektivni kapaciteti. U tom smislu očekujemo intervenciju Vlade TK koja se tiče osposobljavanja i opremanja novih prostorija za potrebe Univerziteta, te omogućavanje prijema novih zaposlenika na Univerzitet.

SLUŽBA ZA ODNOS E S JAVNOŠĆU UNIVERZITETA U TUZLI

UNIVERZITET U TUZLI
Broj: 01- /09
Tuzla, 17.09.2009. godine

ovo su odluke rektora

Na osnovu člana 220. Pravila Univerziteta u Tuzli (Prečišćeni tekst) i člana 13. Pravilnika o plaćama, naknadama i drugim primanjima zaposlenika na Univerzitetu u Tuzli, broj: 04-5980-1/07 od 07.09. 2007. godine, broj: 04-602-2/08 od 06.02.2008. godine, 04-9095/08 od 16.12.2008. godine, 04-956-1/09 od 10.02.2009. godine, 04-3167-4/09 od 27.04.2009. godine i broj 04-6341-1/09 od 24.08. 2009. godine, Rektor Univerziteta u Tuzli donio je

ODLUKU

o utvrđivanju naknade zaposlenicima za dodatno angažovanje u izvođenju nastave u školskoj 2009/10. godini

I

Utvrđuje se visina naknade zaposlenicima Univerziteta u Tuzli, iz reda nastavnika, za izvođenje nastave po Ugovoru o dodatnom angažovanju u školskoj 2009/10. godini po cijeni neto sata, kako slijedi:

Zvanje	Cijena neto sata
- Redovni profesor	50,00 KM
- Vanredni profesor	45,00 KM
- Docent	40,00 KM
- Profesor Visoke škole.....	45,00 KM
- Predavač Visoke škole.....	17,00 KM

II

Naknada zaposlenicima angažovanim u izvođenju nastave na vanrednom studiju Univerziteta u Tuzli utvrđuje se na način regulisan Odlukom o načinu raspoređivanja prihova ostvarenog od vanrednog studija, s tim da ne može iznositi više od cijene utvrđene u stavu I Odluke.

III

Ova Odluka stupa na snagu nakon pribavljanja saglasnosti Upravnog odbora, a primjenjivat će se u školskoj 2009/10. godini.

REKTOR

Dr.sc. Džemo Tufekčić, red.prof.

UNIVERZITET U TUZLI
Broj: 01- /09
Tuzla, 17.09.2009. godine

Na osnovu člana 220. Pravila Univerziteta u Tuzli, članova 18-20. Pravilnika o plaćama, naknadama i drugim primanjima zaposlenika na Univerzitetu u Tuzli, broj: 04-5980-1/07 od 07.09.2007. godine, a u vezi sa članom 23. stav 3. Uredbe o naknadama troškova za službena putovanja ("Službene novine Tuzlanskog kantona, broj 1/05), Rektor Univerziteta u Tuzli donio je

ODLUKU

o utvrđivanju elemenata ugovora o angažovanju spoljnih saradnika u izvođenju naučno-nastavnog procesa na fakultetima/Akademiji Univerziteta u Tuzli u školskoj 2009/10. godini

I

Ovom Odlukom utvrđuju se elementi za izradu Ugovora o angažovanju spoljnih saradnika u izvođenju naučno-nastavnog procesa na fakultetima/Akademiji Univerziteta u Tuzli u školskoj 2009/10. godini i to:

- visina naknade za izvođenje predavanja/ vježbi/ ispita,
- vrste i visine naknade troškova za službena putovanja,
- način realizacije posla iz predmeta Ugovora.

Naknada za izvođenje predavanja/vježbi/ ispita

II

Naknada za izvođenje predavanja, odnosno vježbi, obračunava se po cijeni neto sata, pri čemu maksimalni broj sati predavanja, odnosno vježbi mora biti usklađen sa nastavnim planom, Planom pokrivenosti nastave u školskoj 2009/10. godini, i iznosi:

Zvanje	Cijena neto sata
– Redovni profesor	50,00 KM
– Vanredni profesor	45,00 KM
– Docent	40,00 KM
– Profesor Visoke škole.....	37,00 KM
– Predavač Visoke škole.....	24,00 KM
– Viši lektor	27,00 KM
– Lektor	16,50 KM
– Viši asistent	15,00 KM
– Asistent	12,00 KM
– Viši laborant	do 10,00 KM
– Laborant	do 5,00 KM

III

Naknada spoljnim saradnicima, angažovanim u izvođenju nastave na vanrednom studiju Univerziteta u Tuzli, utvrđuje se na način regulisan Odlukom o načinu raspoređivanja prihoda ostvarenog od vanrednog studija, s tim da ne može iznositi više od cijene utvrđene u stavu II Odluke.

IV

Nastavnicima, spoljnim saradnicima, koji su u opravdanim i odobrenim slučajevima angažovani za obavljanje ispita utvrđuje se naknada po ispitnom roku, u visini semestralne naknade od 20% naknade za održanu nastavu odgovarajućeg nastavnog predmeta.

Vrste i visina naknade troškova za službena putovanja

V

Angažovanim spoljnim saradnicima, koji imaju prebivalište izvan teritorije Tuzlanskog kantona pripada naknada putnih troškova u paušalnom iznosu kako slijedi:

1. Naknada troškova prijevoza u zemlji

Naknada troškova prijevoza za korištenje putničkog automobila u osobnom vlasništvu, na relacijama kako slijedi, utvrđuje se u maksimalnom iznosu do:

– Sarajevo-Travnik-Sarajevo	70,00 KM
– Travnik-Tuzla-Travnik	130,00 KM
– Zenica-Travnik-Zenica	30,00 KM
– Sarajevo-Tuzla-Sarajevo	100,00 KM
– Zenica-Tuzla-Zenica	100,00 KM
– Bihać-Tuzla-Bihać	200,00 KM
– Mostar-Tuzla-Mostar	150,00 KM
– Banjaluka-Tuzla-Banjaluka	140,00 KM
– Brčko-Tuzla-Brčko	40,00 KM
– Orašje-Tuzla-Orašje	40,00 KM
– Banjaluka-Travnik-Banjaluka	100,00 KM
– Bihać-Travnik- Bihać	150,00 KM
– Mostar- Travnik- Mostar.....	150,00 KM
– Brčko- Travnik- Brčko.....	150,00 KM

Naknada troškova prijevoza iz inostranstva:

– R. Srbija	170,00 KM
– R. Crna Gora	200,00 KM
– Zagreb-Tuzla-Zagreb	200,00 KM
– Osijek-Tuzla-Osijek	150,00 KM
– R.Hrvatska – Zadar i Trogir	250,00 KM
– R.Slovenija	300,00 KM
– Makedonija.....	300,00 KM

2. Naknada za smještaj (noćenje)

Ukoliko se nastava izvodi u dva ili više dana uzastopno (blok nastava) naknada za noćenje priznaje se maksimalno u iznosu do 70,00 KM, uz obavezu prilaganja hotelskog računa. Ako je cijena noćenja niža od 85,00 KM, priznaje se u visini hotelskog računa.

VI

Način realizacije posla iz predmeta Ugovora

Nastava se izvodi po sistemu blok nastave, uz mogućnost primjene jednog od dole utvrđenih rasporeda dolazaka:

Fond sati predavanja	Broj dolazaka	Broj dana	Broj sati predavanja dnevno	Fond sati mjesečno
$2+X_1$	2 u mjesecu	2	4	8
$3+X_2$	3 u dva mjeseca	6	4	12
$4+X_3$	4 u tri mjeseca	4	4	16

Ugovori sa angažovanim spoljnim nastavnicima i saradnicima zaključuju se za svaki semestar školske 2009/10. godine.

Isplata naknade vršit će se na žiro-račun nastavnika/saradnika mjesečno i to najkasnije u roku od 15 dana za prethodni mjesec, a u svemu prema ovjerenom Izvještaju o održanoj nastavi i učinjenim troškovima putovanja.

VII

Ova Odluka stupa na snagu danom pribavljanja saglasnosti Upravnog odbora Univerziteta u Tuzli.

R E K T O R

Dr.sc. Džemo Tufekčić, red.prof.